

«Мүгедектігі бар адамдар үшін әлеуметтік инфрақұрылым объектілерінің қолжетімділігін қамтамасыз ету және Қолжетімділік картасын дамыту»

Әлеуметтік, көліктік және инженерлік инфрақұрылым объектілерінің қолжетімділігін қамтамасыз ету мемлекеттік саясаттың маңызды бағыттарының бірі болып табылады. Негізгі міндет – әрбір адамның денсаулық жағдайына қарамастан мемлекеттік көрсетілетін қызметтерді кедергісіз алуына, білім беру, денсаулық сақтау, мәдениет, спорт ұйымдарына және басқа да әлеуметтік маңызы бар объектілерге еркін баруына жағдай жасау.

Мүгедектігі бар адамдарды әлеуметтік қорғау саласындағы ашықтықты арттыру және азаматтар, мемлекеттік мекемелер мен қоғамдық ұйымдар арасындағы ақпараттық өзара іс-қимылды жетілдіру мақсатында Қазақстан Республикасы Еңбек және халықты әлеуметтік қорғау министрлігі «Мүгедектігі бар адамдарды әлеуметтік қорғау» ақпараттық порталын (бұдан әрі – Портал) әзірледі.

Порталдың негізгі мақсаты – мүгедектігі бар адамдарға объектінің қолжетімділігі туралы ақпарат беру және адамның жеке физикалық ерекшеліктерін ескере отырып, осы объектіге бару туралы шешім қабылдауына мүмкіндік жасау.

Порталдағы объектілер жергілікті атқарушы органдар тарапынан белгіленген алты критерий негізінде енгізіледі және өзектендіріледі: кіреберіс тобы; қозғалыс жолдары; қызмет көрсету аймағы; санитариялық-тұрмыстық үй-жайлар; ақпараттандыру және телекоммуникация құралдары; объект аумағы.

Осы критерийлерге сәйкес объектілердің қолжетімділігі бағаланады және төрт санат бойынша айқындалады: қолжетімді, ішінара қолжетімді, қолжетімсіз және мәліметтер жок.

Сондай-ақ Порталдың «Мекенжайлар тіркелімі» ақпараттық жүйесімен интеграциясы жүзеге асырылды, бұл мекенжай деректерінің дұрыс болмау жағдайларын болдырмауға мүмкіндік береді.

Портал арқылы мүгедектігі бар адамдар Қазақстан бойынша бейімделген объектілер туралы ақпаратты қарай алады. Тіркелген пайдаланушыларға объектілердің бейімделу сапасын бағалау, сондай-ақ пікірлер қалдыру және фотосуреттер жүктеу мүмкіндігі ұсынылған.

Портал деректерді жаңарту процесін автоматтандырады және объектілердің бейімделу деңгейі туралы нақты уақыт режимінде ақпарат алуға, сондай-ақ жүргізіліп жатқан бейімдеу жұмыстарының сапасын бағалауға мүмкіндік береді.

Интерактивті картадағы «Объектілерді іздеу» бөлімінде «Санаторийлер» атты жеке санат енгізілген. Аталған санатты таңдаған

кезде 168 санаторий-курорттық ұйым көрсетіледі, оның ішінде 114 ұйым (немесе 67%) Әлеуметтік қызметтер порталының өнім берушілері болып табылады.

Санаторийлерді іздеу Қазақстан бойынша толық немесе таңдалған облыс, аудан, объектінің атауы немесе мекенжайы бойынша жүзеге асырылады.

Сонымен қатар санаторийлерді мүгедектігі бар адамдар үшін қолжетімділігі бойынша: көру қабілеті бұзылған, есту қабілеті бұзылған, тірек-қимыл аппараты бұзылған адамдарға, сондай-ақ кресло-арбамен жүріп-тұратын адамдарға арналған объектілер ретінде қарау мүмкіндігі қарастырылған.

Санаторий-курорттық ұйымды таңдаған кезде объектінің қолжетімділігі туралы мәліметтер, сондай-ақ Әлеуметтік қызметтер порталымен интеграция арқылы алынған ақпарат көрсетілетін объект карточкасы ашылады:

- жалпы төсек-орын саны;
- ағымдағы күнге санаторий-курорттық ем қабылдап жатқан мүгедектігі бар адамдар саны;
- санаторий-курорттық ем алуға тапсырыс берген және кезекте тұрған мүгедектігі бар адамдар саны.

Сонымен қатар Интерактивті картада әлеуметтік, көліктік және өзге де инфрақұрылым объектілерінің қолжетімділігін бағалау бойынша баланс ұстаушыларға арналған онлайн-сауалнама енгізілген. Сауалнамадан өткеннен кейін баланс ұстаушылар объектінің қолжетімділігін қамтамасыз ету және анықталған талаптарға сәйкессіздіктерді жою бойынша ұсынымдар беріледі.

Қазақстан Республикасының Құрылыс кодексінің қабылдануына байланысты 2026 жылғы 1 шілдеден бастап Қазақстан Республикасы Еңбек және халықты әлеуметтік қорғау министрлігінің Әлеуметтік қорғау саласындағы реттеу және бақылау комитетінің аумақтық департаменттері жаңадан пайдалануға берілетін объектілердің мүгедектігі бар адамдар үшін қолжетімділік талаптарына сәйкестігі туралы декларацияны келісуді жүзеге асыратын болады. Бұл объектілерді қабылдау кезеңінде қолжетімділік талаптарының сақталуын бақылауды қамтамасыз етуге, құрылатын инфрақұрылым сапасын арттыруға және жаңа кедергілердің пайда болуына жол бермеуге мүмкіндік береді.

Мүгедектігі бар адамдар үшін қолжетімділік бөлігінде келісілген объектілер Қолжетімділік картасына енгізілетін болады.

«Amanat» партиясының 2023–2027 жылдарға арналған Жол картасын орындау

мақсатында Интерактивті қолжетімділік картасына енгізілген барлық объектілерді бейімдеу жоспары бекітілді. Жыл сайын картаға енгізілген объектілердің 20%-ын бейімдеу қажет (2023 ж. – 20%, 2024 ж. – 40%, 2025 ж. – 60%, 2026 ж. – 80%, 2027 ж. – 100%).

Атырау облысы бойынша «Мүгедектігі бар адамдарды әлеуметтік қорғау» ақпараттық порталының Интерактивті қолжетімділік картасына енгізілген объектілердің жалпы саны 2355 болған жағдайда, 2026 жылдың соңына дейінгі жоспар 80% немесе 1884 объектіні құрайды.

Жергілікті атқарушы органдардың мәліметтері бойынша 2026 жылғы 30 маусымдағы жағдайға сәйкес 1610 объекті бейімделген, бұл Интерактивті қолжетімділік картасына енгізілген объектілердің 68%-ын құрайды.

Мүгедектігі бар адамдарды әлеуметтік қорғау саласындағы заңнама талаптарын сақтау мақсатында Министрліктің аумақтық департаменттері бекітілген тексеру жоспарларына, сондай-ақ келіп түскен шағымдар мен өтініштер негізінде еліміздегі объектілерде мүгедектігі бар адамдар үшін қолжетімділікті қамтамасыз ету бойынша мемлекеттік бақылау жүргізеді (пандустар, көтергіш механизмдер, кіреберіс топтары, мүгедектігі бар адамдарға арналған автотұрақ орындарын орнату, көру қабілеті бұзылған адамдарға арналған ақпараттық материалдарды орналастыру, санитариялық-тұрмыстық үй-жайларды жабдықтау және т.б.).

Бұл ретте жұмыс тек сандық көрсеткіштерге қол жеткізуге ғана бағытталмағанын атап өткен жөн. Негізгі назар объектілерді бейімдеу сапасына аударылады. Қолжетімді орта мүгедектігі бар адамдардың өздігінен және қауіпсіз қозғалу мүмкіндігін қамтамасыз етуі тиіс. Бұл ыңғайлы кіреберіс топтарының, пандустардың, санитариялық бөлмелердің, лифттердің, мүгедектігі бар адамдарға арналған автотұрақ орындарының, тактильді көрсеткіштердің және кедергісіз ортаның өзге де элементтерінің болуын қамтиды.

Қолжетімді ортаны қалыптастыру – бұл тек заңнама талаптарын орындау ғана емес. Бұл әрбір азаматтың қоғам өміріне толыққанды қатысуына, білім алуына, еңбек етуіне, медициналық көмек пен мемлекеттік көрсетілетін қызметтерді алуына жағдай жасау. Осы бағыттағы жұмыстар жалғасуда және мемлекеттік саясаттың басым бағыттарының бірі болып қала береді.

Назгул АРСЕМБIEBA,
Халықты әлеуметтік қорғау
саласындағы бақылау бөлімінің
бас маманы

«Таза Қазақстан»: Атырауда өзен жағалауларында рейд өтті



«Таза Қазақстан» республикалық экологиялық акциясы аясында Қоғамдық қауіпсіздік басқармасының қызметкерлері су көлігі арқылы өзен жағалауларындағы демалыс ұйымдастырылатын орындарға рейдтік іс-шара жүргізді.

Іс-шара барысында демалушыларға қоршаған ортаны таза ұстаудың маңыздылығы түсіндіріліп, тұрмыстық қалдықтарды белгіленген орындарға тастау, табиғатты ластанмау және қоғамдық тәртіпті сақтау жөнінде профилактикалық түсіндіру жұмыстары жүргізілді. Рейдтің негізгі мақсаты – тұрғындар арасында экологиялық мәдениетті қалыптастыру, табиғи аумақтардың тазалығын сақтау және қоршаған ортаға ұқыпты қарау қағидаларын насихаттау. Тазалық – әр азаматтың ортақ міндеті. Сондықтан табиғат аясында демалу кезінде қалдықтарды жинап, белгіленген орындарға тастау арқылы әркім туған өлкеміздің тазалығы мен көркеюіне өз үлесін қоса алады.

Атырау облысы полиция департаментінің
баспасөз қызметі

Атырауда мал иелеріне жарық шағылыстырғыш ленталар таратылды



Төрт түліктің қатысуымен болатын жол апаттарының алдын алу мақсатында Атырау облысы полиция департаменті жанындағы патрульдік полиция ротасының взвод командирі Ақылбек Хошаев тас жолдарға жақын орналасқан шаруа қожалықтарының иелерімен профилактикалық кездесу өткізді.

Іс-шара барысында төрт-түлік малдың мойнына тағылатын 200-ден астам жарық шағылыстырғыш лента таратылып, үй жануарларын қараусыз қалдырмау және оларды жол бойында бақылаусыз жаюға жол бермеу жөнінде түсіндіру жұмыстары жүргізілді. Жарық шағылыстырғыш ленталар қараңғы уақытта жүргізушілерге жолға шығып кеткен жануарларды алыстан байқап, қауіптің алдын алуға мүмкіндік береді. Жыл басынан бері облыс аумағында үй жануарларының қатысуымен 60-қа жуық жол-көлік оқиғасы тіркелген. Соның салдарынан азаматтардың өмірі мен денсаулығына қауіп төніп, көліктерге зақым келіп, мал иелері материалдық шығынға ұшырауда.

Осыған орай тәртіп сақшылары барлық мал иелерін төрт түлікті бақылаусыз жібермеуге, әсіресе республикалық және облыстық маңызды бар тас жолдардың бойында жаюға жол бермеуге шақырады.

Атырау облысы полиция департаментінің
баспасөз қызметі

Хабарландыру

«Светланд-Ойл» ЖШС (БСН 920640000072), 2026-2028 жылдарда әсер етуге экологиялық рұқсат алуға арналған материалдар (шығарындылар нормативтері, қалдықтарды басқару бағдарламасы, өндірістік экологиялық бағдарлама жобалары, қоршаған ортаны қорғау жөніндегі іс-шаралар жоспары) бойынша 2026 жылғы 7 тамызда ашық жиналыс түрінде қоғамдық тыңдаулар өткізіледі: – сағат 11:30-де Атырау облысы, Исатай ауданы, Забурын а.о. Зинеден ауылы, Қуанышбаев көшесі, 8, әкімшілік ғимараты. Онлайн қатысуға сілтеме: https://us05web.zoom.us/j/3280583178?pwd=PSNCDmS6CwAosrkBdTTTFEipHFkYhO.1&omn=81427582785. Идентификатор: 328 058 3178, кіру коды: 00000.

– сағат 15:30-да: Атырау облысы, Құрманғазы ауданы, Мақаш а.о. Алға ауылы, Әбу Сарсенбаев көшесі, 45 үй, Шабғат ауылдық мәдениет үйі. Онлайн қатысуға сілтеме: https://us05web.zoom.us/j/88657451453?pwd=rsJwaYQNEUxlKTodah9ueYhsPM5G1C.1 Идентификатор: 886 5745 1453, кіру коды: х62Xxj.

Әсер ету аймағының географиялық координаттары: 46°40'59» солтүстік ендік, 49°54'47» шығыс бойлық және 46°46'27,3» солтүстік ендік, 50°10'14,5» шығыс бойлық.

Бастамашы: «Светланд-Ойл» ЖШС (БСН 920640000072), Атырау к., К.Сәтбаев к-сі, 23Б, тел.: 8(7122)27-12-92, ecolog@svetland-oil.kz.

Құжаттама әзірлеушісі: «Eco guard» ЖШС (БСН 150440013858), Қызылорда к., Жанқожа батыр к-сі, 47, тел.: 87713384629, ecoguardkyzylorda@gmail.com.

Шығарылатын материалдармен, қоғамдық тыңдаулардың жарияланған хаттамасымен танысу үшін сілтемелер: ndbecology.gov.kz, https://www.gov.kz/memleket/entities/atyrau-tabigat/press/news/1?lang=ru

Қоғамдық тыңдаулар туралы қосымша ақпарат алу үшін байланыс: 87713384629, ecoguardkyzylorda@gmail.com.

Барлық ескертулер мен/немесе ұсыныстар қоғамдық тыңдаулардың басталуынан 3 жұмыс күнінен кешіктірмей Ұлттық деректер банкі сайтында (ndbecology.gov.kz) және Атырау облысының Табиғи ресурстар және табиғат пайдалануды реттеу басқармасы – Атырау қаласы, Өйтеке би көшесі, 77, atr.priroda@atyrau.gov.kz мекенжайлары бойынша қабылданады.

Норт Каспиан Оперейтинг Компани Н.В.» филиалы барлық мүдделі тараптарды «Атырау облысындағы құрлық кешеніне 2026 жылға экологиялық әсер ету рұқсатын алуға өтінім құжаттарының жиынтығы» тақырыбы бойынша ашық жиналыс нысанындағы қоғамдық тыңдауға шақырады.

Өтетін күні мен уақыты: 2026 жылғы 11 тамыз , сағат 10:00.

Өтетін орны: Атырау облысы, Мақат ауданы, Доссор кенті, Г.Сүлейменова көшесі, 39, Мәдениет үйі.

Учаскенің географиялық координаттары: 47°15'19.980», 52°21'43.294».47°15'19.980», 52°21'43.294».

Әсер ету аймағының географиялық координаттары: Оңтүстік — ендік: 47°11'05.40», 52°31'13.20».

Батыс — ендік: 47°14'13.94», 52°22'29.23».

Солтүстік — ендік: 47°18'19.14», 52°33'18.98».

Шығыс — ендік: 47°13'37.25», 52°35'03.62».

Сондай-ақ қоғамдық тыңдауға қатысу мүмкіндігі ZOOM платформа-сында бейнеконференция байланысы арқылы келесі сілтеме бойынша ұйымдастырылған: https://zoom.us/j/96173899364?pwd=JTePAmSYnKuULbjaVbMuLRgKkwMPVp.1

Конференция идентификаторы: 961 7389 9364

Кіру коды: 098866

Бастамашы: «Норт Каспиан Оперейтинг Компани Н.В.» филиалы, БСН 000241000874, Атырау қаласы, Смағұлов көшесі, 8 үй, тел.: +7 (7122) 92 27 03

Әзірлеушілер:

1. «ЭКО-Астана НР» ЖШС, мекенжайы: Астана к., Сығанақ көш., 58/1 үй, 10 кеңсе, эл. пошта мекенжайы: manager@ecoastana.kz телефон: +7(7172) 33 04 37
2. «ЭКОЭКСПЕРТ» ЖШС, Қарағанды қаласы, Лобода көшесі, 40, тел.: +7(7212) 42 56 17, +7 (7212) 90 46 18, +7 700 484 7790, эл. адрес: info@ecoexpert.kz
3. «Sustainable ecology development» ЖШС, Алматы қаласы, Аскаров көшесі, 3, тел. +7 727 247 23 23, +7 727 247 26 26, +7 727 247 26 36, эл. пошта: sed@sed.kz

Жобалық құжаттама келесі сайттарда орналастырылған: https://ndbecology.gov.kz

https://www.gov.kz/memleket/entities/atyrau-tabigat?lang=ru

Қоғамдық тыңдауға шығарылатын құжаттарға қатысты ескертулер мен ұсыныстар «Қоршаған орта мен табиғи ресурстардың жай-күйі туралы ұлттық деректер банкі» ақпараттық жүйесінде https://ndbecology.gov.kz орналастырылады, сондай-ақ «Атырау облысының Табиғи ресурстар және табиғат пайдалануды реттеу басқармасы» ММ атына жолданады: Атырау облысы, Атырау к., Өйтеке би көшесі, 77, e-mail: atr.priroda@atyrau.gov.kz, Тел.: +7 (7122) 35-45-91.

«Норт Каспиан Оперейтинг Компани Н.В.» филиалы мүдделі тараптардың барлығын «Қашаған кен орны нысандарын жайла-стыру. Теңіз кешені. Навигациялық жолдарды және аралдардың акваторияларын құрделі жөндеу» жобасы бойынша әсер ету-ге арналған экологиялық рұқсат алу үшін берілетін өтінім құжаттарының жиынтығы тақырыбында өтетін ашық жиналыс нысанындағы қоғамдық тыңдауға шақырады.

Өтетін күні мен уақыты: 2026 жылғы 14 тамыз, сағат 10:00.

Өтетін орны: Атырау облысы, Атырау қаласы, Дамбы ауылдық округі, Дамбы ауылы, Мардан Арыстанов көшесі, 30, Мәдениет үйі.

Учаскенің географиялық координаттары: Ендік — 46°27'12.4” Бойлық — 52°14'26”

Сондай-ақ қоғамдық тыңдауға қатысу мүмкіндігі ZOOM плат-формасында бейнеконференция байланысы арқылы келесі сілтеме бойынша ұйымдастырылған: https://zoom.us/j/96050014763?pwd=IXbhChsZyJlfOhUM3H04y9VrhjeGHR.1

Конференция идентификаторы: 960 5001 4763

Кіру коды: 082542

Бастамашы: «Норт Каспиан Оперейтинг Компани Н.В.» фи-лиалы, БСН: 000241000874, Атырау қаласы, Смағұлов көшесі, 8, тел: +7 (7122) 92-2703

Әзірлеуші:

1. «ЭКОЭКСПЕРТ» ЖШС, БСН 920540000504, Мекенжайы: Қарағанды к., Лобода көшесі, 40 ғимарат. Эл. мекенжайы: info@ecoexpert.kz, телефон нөмірі: +7 (7212) 42-5617

Жобалық құжаттама келесі сайттарда орналастырылған: https://ndbecology.gov.kz және https://www.gov.kz/memleket/entities/atyrau-tabigat?lang=ru

Қоғамдық тыңдауға шығарылатын құжаттарға қатысты ескер-тулер мен ұсыныстар «Қоршаған орта мен табиғи ресурстардың жай-күйі туралы ұлттық деректер банкі» ақпараттық жүйесінде https://ndbecology.gov.kz орналастырылады, сондай-ақ «Атырау облысының Табиғи ресурстар және табиғат пайдалануды реттеу басқармасы» ММ атына жолданады: Атырау облысы, Атырау к., Өйтеке би көшесі, 77, e-mail: atr.priroda@atyrau.gov.kz, Тел.: +7 (7122) 35-45-ф59.

ГАЗЕТТІҢ ЭЛЕКТРОНДЫҚ НҰСҚАСЫН

www.atr.kz сайтынан оқыңыз!